

## Ark 6-imut ilitsersuut

### Atuartumut

Quppernermi siullermi immersugassat tamaasa immersussavatit, paasissutissat ilinnut tunngasut allallugit. Allaffissami *Ilinniarnissamut pilersaarut*-mi ilinniagaqalernissamut takorluukkannut ilinniaqqiffiit ingerlaffigerusutatit tulleriarlugit allattussavatit. Sutut ilinniagaqarusunnerlutit aajalangiutereersimagukku imaluunniit ilinniagarilerusutat ilisimareerukku soorlu inuussutissarsiutigalugu ilinniagaqarusukkuit imaluunniit ingerlariaqqiffittut ilinniagaqarniarlutit toqqaaniaruit assersuutigalugu imatut immersuissaatit:

Assersuut siulleq:

**Ilinniarnissamut pilersaarut** Uddannelsesplan

Ilinniarusutama angunissaanut tulleriarinera  
Min ønskede uddannelsesforløb:

1. AFS
2. GUX
3. Journalist

Assersuutip aappaa:

*Sanasunnngorusuppunga ilinniarnissamalu imatut ingerlanissaa takorloorpara.*

**Ilinniarnissamut pilersaarut** Uddannelsesplan

Ilinniarusutama angunissaanut tulleriarinera  
Min ønskede uddannelsesforløb:

1. Efterskole
2. KTI i Sisimiut
- 3.

Meeqqat atuarfianni naammassiguit ingerlariaqqiffissat kisiat qupperneq 2-mi imaluunniit 3-mi immersussavat.

Quppernermi 4 aamma 5:

**A:** Allallutit imminut ilisaritissaatit. Apeqqutit tulleriarlugit atorsinnaavatit.

**B:** Misilittakkatit assigiinngitsut iliuusissatut pilersarusiorninni pingaaruteqartut ilanngullugit allassavatit makkuusinnaasut: atuarnerup kingorna suliffimmit, soqutigisat, suliffimmit misiliinermiit assigisaallu.

Misilittakkatit iliuusissatut pilersaarutinnut immersuininni tunuliaqutaasinnaasut allattussavatit. Iliuusissatut pilersarusiorninni pikkoriffiit ilinnut pingaaruteqartut ilanngutissavatit. Soqutigisatit sammisatillu ilinnut pingaaruteqartut allattukkit, soorlu atuareernerup kingorna suliffik, soqutigisat, pinialuttarneq timersorneq imaluunniit nipilersorneq imaluunniit soqutigisaq allarluinnaq.

**C:** Ilinniakkamut piumasaqaatit

Ilinniagarilerusutannut piumasaqaataasut suunersut uani misissoreersimassavatit maannamut atuarninni angusatit ilinniagarilerusutavit piumasaqaataanut naleqqiullugit qanoq innersut.

## Assersuut apeqqummut siullermut:

<p><b>C Ilinniakkamut piumasaqaatit</b> Uddannelseskraav</p> <p>1. Ilinniagarilerusutannut piumasaqaataasut suuppat? Hvad er kravene til den uddannelse jeg har valgt?</p> <p>2. Atuarfimmi angusakka ilinniagarilerusutama piumasaqaataanut naleqqiullugit qanoq ippat? Opfylder jeg kravene i forhold til den måde jeg klarer mig på i skolen?</p>	<p>Automekanikeritut KTI-mi Nuummi inuussutissarsiuutagalugu ilinniagaqarusuppunga. Makku ilinniakkamut piumasaqaataapput: Praktikkerfissaqarneq aamma atuarfimmi inaarutaasumik misilitsissimaneq. Karakterit minnerpaaffissaat fagini ataasiakkaani: qallunaatut E, matematik D, fysik E aamma tuluttut E.</p>
--	--

## Assersuut apeqqutip aappaanut

<p><b>C Ilinniakkamut piumasaqaatit</b> Uddannelseskraav</p> <p>1. Ilinniagarilerusutannut piumasaqaataasut suuppat? Hvad er kravene til den uddannelse jeg har valgt?</p> <p>2. Atuarfimmi angusakka ilinniagarilerusutama piumasaqaataanut naleqqiullugit qanoq ippat? Opfylder jeg kravene i forhold til den måde jeg klarer mig på i skolen?</p>	<p>Piginnaasatigut karakterikka maannamut angusakka ilinniakkamut piumasaqaatinut isissutissatut naammapput, kisianni fysikkimi karakterera kingulleq Fx-iuvoq. Misilitsinnissama tungaanut karakterera tassani qaffassarussuppara. Praktikkerfissaqarnissannut qularuteqanngilanga, atuareernerup kingorna Auto Marinemi sulisarama. Aperereerpakka ilinniartunngoruma praktikkerfigisinnaanerlugit akuersereerpullu.</p>
--	--

## **D:** Angajoqqaanik tapersersorneqarneq.

Ilinnialeruit angajoqqaavit /angajoqqaatut akisussaassusillip ilinnut tapersersuinissaat pisariaqartissavat. Uani immersugassami tapersersorneqarnissamut kissaatigisatit allattorsinnaavatit soorlu: Angerlarsimaffinni najugaqaraanni, kollegiami najugaqaraanni immikkulluunniit inimik attartugaqaraanni, nerisassiornissamut, atisanut errorsinissamut, misigissutsikkut toqqissisimannngikkaanni soorlu angerlarserluni, angajoqqaanik tapersersorneqarnissaq pisariaqartarpoq. Aamma aningaasatigut ikiorneqarnissaq soorlu IT-imik atortunik pisinissamut tapertinneq.

## Qupperneq 6:

**E:** Allat paasissutissat ilinnut tunngasut iliuusissatut pilersaarutinnut pingaartillugit ilanngukkusutalit allakkit:

## Assersuut:

<p><b>E Allat paasissutissat</b> Andre oplysninger</p> <p>Paasissutissat allat uannut tunngasut iliuusissatut pilersaarusiannut ilanngukkusutakka.</p> <p>Andre oplysninger om mig selv, som jeg gerne vil have inddraget i handleplanen.</p>	<p>Ilinniarnera naammassigukku kissaatigaara suliffeqarfittaarusullunga Snescooter &amp; Marinemotor værkstedimik.</p>
---	--

**F:** Klasselærerip/Atuarfimmi aqutissiuussisup/siunnorsortip oqaaseqaataa imaluunniit immikkut taajumasaanut tunngavoq. Taanna illit immersussanngilat.